

Qulliq Alrujaqtuqtunik Ikumadjutiit
3091 6th Street
Qamani'tuaq, Nunavut X0C 0H0 Canada
Hivajauta: 800-661-0858
envapplications@qec.nu.ca

Kugaaruk Havaakhaq Titirarhimayuq

Qulliq Auladjutiqhanut Kuapuraisinga (QEC) Nunavut Kavamanut (GN) ukiuqtaqtumi kuapuraisiuyuq. Aulapkaivaktut 25nik uqhurjuaqtuqtunik pauwaqarviinik, QEC-kut avaliittut tuniuqhaijiujut alrujaqtuutikhanik imaatut amigaittunut 15,000 atuqtiujut aviktuqhimajumi.

Qulliq Auladjutiqhanut Kuapuraisinga uuktuqtut nappaqtirilutik aulapkailugitlu nutaamik pauwaqaqviaviqhamik Hamlangganni Kugaarjukmi ittuq Kitikmeot Avikturvianni Nunavunmi (havaaqhaq). Kugaaruk nunalaangujuq anginirmik alrujaqtuutikharnik piqaqtukhauiliqtuq, tamangnun inugiarjumiligami igluqaqtuni atauhirmi atuinaqtun pauwaktuutikharnik. Hadja pihimayuq pauwaqaqvia nappaktauhimayuq 1974 mi tikiutigiplunilu igluqpaup atugaqhaatigut. Tamna pauwaqtuutivik utuqanguliqtumi nuutaangujungnaiqhunilu, ajungnautivalialiqtuq ihuaqhaijaangat, puawaktuutikhaq ajungnautigivalianiaqtuq. Atuguminaitun ingilrutikhat ajuqhaqtitihimaarniaqtuq tamangnun hamlaatmun pauwaikvikhangit aularjumirniatun hivutunirmik.

Una tughiqtaujuq amigaitunun-ukiunun havaaghaq ilaujuq nutaaq hitamanik-ingniqutiqaqtuq pauwaqtuut igluqpak iliuraqtauhimajuq aktilaanganik imaa 2,500 kilowattsmik, havagiikhimaniaqtuq auladjutikharnik avatqulugu 40nik ukiunik. Aulatitiniaqtuq nuutaanik alrujaqtuutikharnik ihuarjumirutikharnik atuguminaqtunik, ajurnaitumik, auladjutikharnik uminga qayangnairutikharnik aulatitihimaqtunun havaktinik. Avatiliqijitkut qajangnairutikharnik naunairutiqarniaqtuq naunaitkutitigun malrungnik hanigaiqarluni qataqjuangit, kivugarviqagumi uqhuqjuanik avaliqidjutikharnik angijumik piqaqtukhaq, ilikkut aulajukharnik mihingnautiqaqtun ququurutitlu, allanik hunavalungnik piqarniaqtuq. Ilikkut aulajukharnik qaptiliqidjutikharnik piqarniaqtuq allaniklu qaptiliqidjutikharnik qajangnairutikharnik naunairutiqarniaqtun ilauniarhutiklu.

Nuutaamik pauwaqtuutivikhaq naunairutiqarniaqtuq ajungnaitumik himautikharnik ingniqutikharnik, talvuuna aulatitijaangat hivunirmi angiklijumirutikharnik ihuaqhaidjutikharniklu. Alrujaqtuutikhangit iliugairvikhangit pauwaqtuutiqarvikharnik naunajainiaqtun ajungnaitumik auladjutikharnik hivunirmi atuqtakharnik taimaitunik anurimi hiniqinirmilu pauwaktuutikharnik, tapkuninga baatuliikhat tutquqtirvikharnik. Pauwaqarvikhaq piqarniaqtuq imagiktumik imarmik qatarjunik anaqtautit qatarjumik, iglumi atuqhimaqtakharnik.

Nappaktirinirmun ilaliutihimajuq urhuqjuaqarvighaa malruk 90 litre urhuqjuaqarviik, urhuqjuamiklu-papautiqaqhuni igluqpak. QEC upalungaiqhimajut napaktiriami Quonset aqhaluutiqaqvikanut,

transformer mik tamayaqaqviqaqluni, naparialgit tutquumiviqhainnik, kingiqtaq glycolmik qattaryuarmiklu tamayaqaqviqaqluni iqqakuuqviqhaqaqluni tuglianilu Qatarjuangit najugakhaanik kuviliatkutikhangit.

Najugahait nuutiqtauhimaikut havaktinun hiniktarvighait, umiakkut uhidjutit, parnallu ingniqut. Ihuaqhaidjutit atuqtaujunun auladjutinun pijariaqarniaqtuq ataliqluni nutaamun pauwaqarvingmun. Uqhuarnik nuutirutikharnik tuqhuanik, naamavjaktuq 75-miitanik urhuqjuamun tughuanga havaktauniaqtuq atalirianganai Urhuqjualiqlijiit Havagvianun (PPD) urhuqjuamik tutquumaviinun najugarmi. Tuqhuqjuangit ilaliutihimaniaqtait naunaitkutingnik munagidjutiqarluni kuhiqtaqtuqaqqan.

Tukhikhimajuq nuutaaq nuna najugakhaa anginiqaqtuq taima 6,000 kikkariktuq miitanik najugalik haniani PPDkut qatarjuangit najugaini. Najugaa tughiqtaujuq pauwaqarvighamun tikuaqtauhimaikut haamlatkunin havagvikjuanan nuna atugahaq.

Uuktuutaa tuniyauyuq an'ngiqtaupluni Hamalatkunnit Kugaarukmi. Qiqaijalirvia 11, 2021, pijagiikhimaliqtun titiraqharnik hamlaatkutnin.

Piqangittuq huradja najugaanik, imarmiuniklu, avikturviuvimi Kanadamilu min'nguivriinnik Inuit nunagijainnikluunniit hulaqutikpat pauwaqarvikhaannik najugakhanik. Ingilraarnitarnik nalvaaqhiutiit ajungnautiqagianganik ihivriudjutikharnik aulavakhimajuq Taaqhivaliavia 2021mi, piqangitun pitquhiliqinikkut ingilraarnitangnik najugaqangitun talvani najugakhaani.

Havaktiqarnikkut mikhaatigun, qaffiuniit, 22 havaktit tikuaktauniaqtun ihariagijauniaqtut najugaani napaqtitirtilugit. Aadjikkiilimaittuq nampait havaktiqhanik nappaktiliqata. Kaantraaktitauyuq ihumaliurniaqtuq kaffiuyaaqhainnik havaktiqarniaqtuqhanik tikiutiyaami iniktirutaa havaaqhami. Katulaaktut pijaghaqarniaqtut pitqujaunirmun Inuinnarnik havaktitilutik tamainun napaqtitirnirmun havaaghanun.

QECkut havaktiqagtun Kugaarukmi munagihimaaqtun ubluq tamaat auladjutikharnik talvani utuqangumik pauwaqarvingmi. Ilaliutilgitlu havainnaktumik Pauwaqaqviami Atan'nguyamik, malruungnik havakaffuktunik Ikayuqtiuyunik. Havaktut hadja nuutiqhun'nguyut nutaamun pauwaqaqvianut iniktiqqat. Nutaanik havaktiqalimaittut haffumunga havaakhamun.

Amigaingniatigut nappaktirinirmun tamayait Havaaqhamut agyaqtauniaqtut umiakkut. Ilangit tamajait niuviktauniaqtun nunanganit agjaqtaulutikluunniit tingmitikkut naunairutilugit aktilaangit kaffiutilangillu. Kantraaktitauyuq munariyaqarniaqtuq naunaiqlugit tamayanik atuqtaqhanik nappaktiliqqat. Ilaliutiniagungnaqhiyuqlu aadlamik kaantraaktitauyuqhamik nunainnagiyauyumi in'ngilragutikkut tamayanik talvunggaqtitaulutikluunniit nunallaamun umiakkut.

Una havaakhaq niriuktaujuq tunihiluni tamainun ikajuutinik Haamlanganun Kugaarukmi ihuatqiamik atungniranun urhuqjuamik mikhijuumiqrutijuqlu pujuqmik tingivrallaqtumik. Pipkainiaqtullu QEC-kunnut nakuuhivalladjutikhaanun pauwaqautikkut nunallaami, ikajuutikhanik amigaikpallianingat

nunanganut, tikiutilugulu hivunikhaliuqtat qajangnaittumik, ihuaqtumik pauwakhainnik nunanganut
kivgaqtuqhimaqtamingnut.